

Pinerliiniarnernik akiuiniarluni iliuuserisassat immikkut ittut pillugit Inatsisartut inatsisaat

Atuuffia il.il.

§ 1. Inatsisartut inatsisaat manna aningaasatigut peqquserluutininik malunnarunnaarsaaneq aamma pinerliiniarnernik aningaasalersuineq pitsaaliorniarlugit iliuuserisassat pillugit inatsimmut qanoq ilisukkulluunniit atuuttumut ilaasunut suliffeqarfinnut inunnulu atorineqassaaq.

§ 2. Naalagaaffiit Peqatigiit Isumannaallisaanernik Siunnersuisoqatigiivisa isumaqatigiissutaat nr. 1373 28. september 2001-meersoq malillugu Danmarkip pineqaatissiissutininik naammassisaqarneranut atatillugu qanoq ilisukkulluunniit pinerliiniat nalunaarsorneqarfiini Danmarkimi atuuttuni allatorneqarsimasunit tunngavigineqartuninik inunnit ataatsimoortunilluunniit pigineqartuninik aningaasanik aamma aningaasatigut ingerlatanik imaluunniit aningaasanik isumalluutininik, Hvidvasksekretariati akuersiteqqaarnagu, atuisinnaaneq inerteqqutaavoq.

Imm. 2. Paasineqarpat nuussineq imaluunniit saaffiginnissut, inunnut ataatsimoortunulluunniit, imm. 1-imi taaneqartuni nalunaarsuiffinni allanneqarsimasunut attuumassuteqartoq imaluunniit attuumassuteqarsimasooq ingerlaannartumik Hvidvasksekretariatimut nalunaaruteqartoqassaaq.

Imm. 3. Hvidvasksekretariati sapinngisamik piaarnerpaamik kingusinnerpaamillu nalunaarutip tiguneqarneraniit aningaaseriviup ammaffiata tulluuttup qaangiutinnginnerani, imm. 1 malillugu akuersisummik tunniussisoqassanersoq imaluunniit arsaarinnittoqassanersoq aalajangiissaaq.

Pineqaatissiisarneq pillugu aalajangersagaq

§ 3. § 2, imm. 1 aamma 2-mik, unioqqutitsineq Kalaallit Nunaanni Pinerluttulerineq pillugu inatsimmi § 26 naapertorlugu pillarneqassaaq.

Atuutilersinnera

§ 4. Inatsit ulloq 1. juni 2010-mi atuutilissaaq.

Kuupik Kleist

/

Ove Karl Berthelsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut